



3/A-
ESTATUTOS
CAPITULO I
DENOMINACIÓN, FINS, DOMICILIO, ÁMBITO E IDIOMA

Artigo 1. Coa denominación “ASOCIACIÓN PARA A CUSTODIA DO BOSQUE ATLÁNTICO, BETULA”, constitúese unha ASOCIACIÓN ao abeiro da Lei Orgánica 1/2002, de 22 de marzo, e normas complementarias, con personalidade xurídica e plena capacidade de obrar, carecendo de ánimo de lucro.

Artigo 2. Esta asociación constitúese por tempo indefinido.

Artigo 3. Fins da asociación.

1. A existencia desta asociación ten como fins:

- 1- A conservación e recuperación do patrimonio natural, cultural e paisaxístico utilizando como instrumento principal a Custodia do Territorio.
- 2- Difundir e fomentar a Custodia do Territorio entre os axentes implicados e a sociedade en xeral, facéndoos partícipes da xestión sostible do territorio.

2. O idioma de traballo da asociación será o Galego. A normativa a usar no ámbito galego será a establecida pola RAG.

Artigo 4. Para o cumprimento destes fins, realizará as seguintes actividades:

- 1-Realización Estudos científicos e culturais, congresos, cursos, xornadas, publicacións etc....
- 2- Acceso á xestión do territorio mediante a adquisición de terreos ou dos seus dereitos de xestión, alugueres e/ou formalización de acordos de custodia.
- 3- Seguimento e avaliación das especies e espazos prioritarios.
- 4- Colaboración e/ou participación con entidades públicas ou privadas na realización e fomento de actividades de custodia.

Artigo 5. A efectos destes estatutos, enténdese a custodia do territorio no senso do expresado pola lei 121/000140 de Patrimonio Natural e da Biodiversidade:

“Custodia do territorio: conxunto de estratexias ou técnicas xurídicas a través das cales se implican aos/as propietarios/as e usuarios/as do territorio na conservación e uso dos valores e os recursos naturais, culturais e paisaxísticos”

Artigo 6. A Asociación establece o seu domicilio social en Lugar do Campanario nº13- Limodre, Fene (C.P.:15627, A Coruña) e o ámbito territorial no que vai realizar principalmente as súas actividades é a Comunidade autónoma de Galicia.

CAPITULO II
ÓRGANO DE REPRESENTACIÓN

Artigo 7. A Asociación será xestionada e representada por unha Xunta Directiva formada por: un/unha Presidente/a, un/unha Vicepresidente/a, un/unha Secretario/a, un/unha tesoureiro/a e un mínimo de tres vogais.

Serán designados e revogados pola Asemblea Xeneral e o seu mandato terá unha duración de 4 anos, limitado a tres mandatos como máximo.

Se resultase elixido para calquera cargo un socio que preste servizos en BETULA, como contratado ou asalariado, deberá rescindir o seu contrato antes da súa toma de posesión.

Procurarase a paridade nos órganos de representación facendo propostas neste senso cando se produza a renovación dos mesmos.



Artigo 8. Estes poderán causar baixa por renuncia voluntaria comunicada por escrito á Xunta Directiva, por incumprimento das obrigas que tiveran encomendadas e por expiración do mandato.

Artigo 9. Os membros da Xunta Directiva que esgotasen o prazo para o cal foron elixidos, continuarán ostentando os seus cargos até o momento no que se produza a aceptación de quen os substitúan.

Artigo 10. A Xunta Directiva reunirse cantas veces o determine o seu Presidente/a e a iniciativa ou petición de 3 ou más dos seus membros. Quedará constituída cando asista a metade máis un dos seus membros e para que os seus acordos sexan válidos deberán ser tomados por maioría de votos. En caso de empate, o voto do/a Presidente/a será de calidade.

Artigo 11. Facultades da Xunta Directiva:

As facultades da Xunta Directiva estenderanse, con carácter xeral, a todos os actos propios das finalidades da asociación, sempre que non requiran, segundo estes Estatutos, autorización expresa da Asemblea Xeral.

Son facultades particulares da Xunta Directiva:

- a) Dirixir as actividades sociais e levar a xestión económica e administrativa da Asociación, acordando realizar os oportunos contratos e actos.
- b) Executar os acordos da Asemblea Xeral.
- c) Formular e someter a aprobación da Asemblea Xeral os Balances e as Contas anuais.
- d) Resolver sobre a admisión de novos/as asociados/as.
- e) Nomear delegados/as para algunha determinada actividade da Asociación.
- f) Calquera outra facultade que non sexa da exclusiva competencia da Asemblea Xeral de socios/as.
- g) Elaborar e someter á aprobación da Asemblea Xeral o Regulamento de Régime Interno.

Artigo 12. O/a presidente/a terá as seguintes atribucións: Representar legalmente a Asociación ante toda clase de organismos públicos ou privados; convocar, presidir e levantar as sesións que celebre a Asemblea Xeral e a Xunta Directiva, así como dirixir as deliberacións dunha e outra; ordenar pagos e autorizar coa súa sinatura os documentos, actas e correspondencia; adoptar calquera medida urgente que a boa marcha da Asociación aconselle ou no desenvolvemento das súas actividades resulte necesaria ou convinte, sen prexuízo de dar conta posteriormente á Xunta Directiva.

Artigo 13. O/a Vicepresidente/a substituirá ao Presidente/a na súa ausencia, motivada por enfermidade ou calquera outra causa, e terá as mesmas atribucións que el/ela.

Artigo 14. O/a Secretario/a terá a cargo a dirección dos traballos puramente administrativos da Asociación, expedirá certificacións, levará os libros da asociación legalmente establecidos e o ficheiro de asociados/as, e custodiará a documentación da entidade, facendo que se cursen as comunicacións sobre designación de Xuntas Directivas e demais acordos sociais inscribíbeis aos Rexistros correspondentes, así como o cumprimento das obrigas documentais nos termos que legalmente correspondan.

Artigo 15. O/a Tesoureiro/a recadará e custodiará os fondos pertencentes á Asociación e dará cumprimento ás ordes de pago que expida o/a Coordinador/a.

Artigo 16. Os/as Vogais terán as obrigas propias do seu cargo como membros da Xunta Directiva, e así como as que nazan das delegacións ou comisións de traballo que a propia Xunta lles encomende.

Artigo 17. As vacantes que se puideran producir durante o mandato de calquera dos membros da Xunta Directiva serán cubertas provisionalmente entre ditos membros até a elección definitiva pola Asemblea Xeral convocada a tal efecto.



CAPITULO III

ASEMBLEA XERAL

Artigo 18. A Asemblea Xeral é o órgano supremo de governo da Asociación e estará integrada por todos os/as asociados/as.

Artigo 19. As reunións da Asemblea Xeral serán ordinarias e extraordinarias. As asembleas ordinarias celebraranse como mínimo unha vez ao ano, dentro dos tres meses seguintes ao peche do exercicio anterior; as extraordinarias celebraranse cando as circunstancias o aconsellen, a xuízo do/a Presidente/a, cando a Xunta Directiva o acorde ou cando o propoña por escrito unha décima parte dos/as asociados/as.

Artigo 20. As convocatorias das Asembleas Xerais realizaranse por escrito expresando o lugar, día e hora da reunión así como a orde do día con expresión concreta dos asuntos a tratar. Entre a convocatoria e o día sinalado para a celebración da Asemblea en primeira convocatoria deberán mediar cando menos quince días para as asembleas ordinarias e sete días para as extraordinarias, podendo, así mesmo, facerse constar, se procedera, a data e hora en que se reunirá a Asemblea en segunda convocatoria, sen que entre unha e outra poida mediar un prazo inferior a media hora.

Artigo 21. As Asembleas Xerais, tanto ordinarias como extraordinarias, quedarán validamente constituídas en primeira convocatoria cando concorran a ela un 15% dos/as asociados/as con derecho a voto, e en segunda convocatoria calquera que sexa o número de asociados/as con derecho a voto.

Os acordo tomaranse por maioria simple das persoas presentes ou representadas cando os votos afirmativos superen aos negativos, non sendo computábeis a estes efectos os votos nulos, en branco, nin as abstencións.

Será necesaria maioria cualificada das persoas presentes ou representadas, que resultará cando os votos afirmativos superen a metade destas, para:

- a) Disolución da entidade.
- b) Modificación de Estatutos.
- c) Disposición ou enaxenación de bens integrantes do inmobilizado.
- d) Aprobación da proposta da comisión liquidadora.

Artigo 22. Son facultades da Asemblea Xeral:

- a) Aprobar a xestión da Xunta Directiva.
- b) Examinar e aprobar as Contas anuais.
- c) Elixir os membros da Xunta Directiva.
- d) Fixar as cotas ordinarias ou extraordinarias.
- e) Disolución da asociación.
- f) Modificación dos Estatutos.
- g) Disposición ou enaxenación dos bens.
- i) Calquera outra que non sexa competencia atribuída a outro órgano social.

Artigo 23. Requeren acordo da Asemblea Xeral Extraordinaria convocada ao efecto:

- a) Modificación dos Estatutos.
- b) Disolución da Asociación.
- c) Aprobación da proposta da comisión liquidadora.

CAPITULO IV

SOCIOS/AS

Artigo 24. Poderán pertencer á Asociación aquellas persoas e entidades con capacidade de obrar que teñan interese no desenvolvemento dos fins da Asociación.



Artigo 24 bis. As asociacións e entidades non gubernamentais, sen ánimo de lucro, que desexen participar como socios de Betula deberán ter entre os seus fins estatutarios obxectivos semellantes aos de Betula, circunstancia que virá avalada por acordo da Xunta Directiva. Asemade, a participación a todos os efectos, no que se refire a dereitos e deberes, será a correspondente a un único socio de número por entidade.

Artigo 25.

1. Os/as socios/as causarán baixa por algunha das causas seguintes:
 - a) Por renuncia voluntaria, comunicada por escrito á Xunta Directiva.
 - b) Por actuar en contra dos fins da asociación.
 - c) Por finamento.
 - b) Por incumprimento das obrigas económicas, se deixase de satisfacer as cotas periódicas.
2. A competencia para decidir a baixa dun/unha socio/a recae na Asemblea Xeral, a proposta da Xunta Directiva.

Artigo 26. Os/as socios/as de número e fundadores/as terán os seguintes dereitos:

- a) Tomar parte en cantas actividades organice a Asociación en cumprimento dos seus fins.
- b) Gozar de todas as vantaxes e beneficios que a Asociación poida obter.
- c) Participar nas Asembleas con voz e voto.
- d) Ser electores/as e elixíbeis para os cargos directivos.
- e) Recibir información sobre os acordos adoptados polos órganos da Asociación.
- f) Facer suxestións aos membros da Xunta Directiva en orde ao mellor cumprimento dos fins da Asociación.
- g) Gozar de acceso a cargos, xestión e actividades en igualdade de condicións, sen nengún tipo de discriminación por razón de xénero.

Artigo 27. Os/as socios/as fundadores/as e de número terán as seguintes obrigas:

- a) Cumprir os presentes Estatutos e os acordos válidos das Asembleas e a Xunta Directiva.
- b) Abonar as cotas que estipule a Asemblea Xeral. Esta Asemblea Xeral poderá establecer exencions desta obliga en determinados casos xustificados.
- c) Asistir ás Asembleas na medida das súas posibilidades e demais actos que se organicen.
- d) Desempeñar, no seu caso, as obrigas inherentes ao cargo que ocupen.

Artigo 28. Os recursos económicos previstos para o desenvolvimento dos fins da Asociación serán os seguintes:

- a) As cotas de socios/as periódicas e extraordinarias.
- b) As subvencións, legados ou herdanzas que puidera recibir de forma legal por parte dos asociados ou de terceiras persoas.
- c) Calquera outro recurso lícito.

Artigo 29. O patrimonio inicial da asociación é de 120 euros.

Artigo 30. O exercicio asociativo e económico será anual e o seu peche terá lugar o 31 de decembro de cada ano.

CAPITULO V

DISOLUCIÓN

Artigo 31. Disolverase voluntariamente cando así o acorde a Asemblea Xeral Extraordinaria, convocada ao efecto, segundo o disposto no artigo 19 dos presentes Estatutos.



REGISTRO CENTRAL DE ASOCIACIONES
ESTATUTOS VISADOS

Artigo 32. En caso de disolución, nomearase unha comisión liquidadora que, unha vez extinguidas as débedas, proporá o destino do sobrante líquido (de existir este), así como o dos bens patrimoniais da asociación. Esta proposta deberá contar coa aprobación da Asemblea Xeral.

Artigo 33. É condición indispensable que a entidade receptora dos bens patrimoniais da asociación trala liquidación esté adicada á custodia do territorio tal e como se entende no artigo 5 dos presentes estatutos e de acordo co expresado pola lei 121/000140 de Patrimonio Natural e da Biodiversidade.

DISPOSICIÓN ADICIONAL

1º Os documentos de adquisición (en calquera das súas formas) dos bens e dereitos en favor da asociación, establecerán unha cláusula que estipule a exclusiva utilización deses bens e dereitos para os fins orixinarios e fundacionais da asociación.

2º En todo canto non estea previsto nos presentes Estatutos aplicarase a vixente Lei Orgánica 1/2002, de 22 de marzo, reguladora do Dereito de Asociación, e as disposicións complementarias.

En Redes, a 24 de febreiro de 2019



REGISTRO CENTRAL DE ASOCIACIONES
ESTATUTOS VISADOS

D F. Javier Riveiro López, presidente, e D César Martínez Yáñez, secretario da Asociación para a Custodia do Bosque Atlántico Betula, fan constar que os presentes estatutos están redactados coa inclusión das modificacións acordadas en Asemblea Xeral celebrada o 24 de Febreiro de 2019, de acordo cos requisitos establecidos na LO 1/2002, de 22 de marzo, reguladora do dereito de asociación, e seguindo o procedemento previsto nos seus estatutos.

En Redes, a 14 de Xaneiro de 2020

Asdo: F. Javier Riveiro López

Asdo: César Martínez Yáñez

